



Imiatrusar métekkarak chicham itiurchat iwiartai

**ANAIMIATAI CHICHAMNUM TUIJKIAR
IWIARTAI AITKIAMU.**

Ekuatura Nunke Tepaku



Imiatrusar métekkarak chicham itiurchat iwiartai

INIÁKMAMU

1
3
4
5
7
10
12
15
18
20
20
33
38
39

JUÁRMA

ANAIMIATAI CHICHAMNUM TUJINKIAR IWIARTAI AMIKTIN

ANAIMIATAI CHICHAMNUM TUJINKIAR IWIARTAINIUM, TATAKMAMUNAM
WARIKSHA UTSUMTAI NEKATIN:

ANAIMIATAI CHICHAMNUM TUJINKIAR IWIARTAI JUÁMNUNAM
YÁA ITIURCHAT AMAJSAMNIAITI?

I. ITIURCHAT WAINKIAR AWEMATA TUSA SEAMMA

Itiurchat wainkiar chicham iwiamamu umiktinri tsawantri, aents iruntrar anaimiainia chichamri
itiurchat akui

II. PENKERCHAITI TAMA

III. AYATIK ATSA TAMANU

IV. INIANKARIK IYAMU

V. ANAIMIATAI CHICHAMNUM TUJINKIAR IWIARTAI TUNAMKA ÍSTIN

ANAIMIATAI CHICHAMNUM TUJINKIAR IWIARTAI CHICHAM NEKÁTIN

AENTS ANAIYAMUNAM KUIT SUSAMU

VI. EEM ANUJMAMKA

VII. AENTS ANAIMIATAI CHICHAMNUM TUJINKIAR IWIARTAINIUM KAKARAM
CHICHAM JURAMU, AENTS ANAIYAMUNAM PAPI AJAPMANUM EKEMSACHU ASA

Ekuatura Nunka Tepaku Anaimiatái Chichamnum Tujinkiar Iwiartai Anaimiatái Chichamnum Tujinkiar Emamkesar Nájájar Iwiartai

Anaimiatái Chichamnum Tujinkiar Iwiartai Tuakaru
Dra. Catalina Castro Llerena
Chichaman Kakarma Iwiarniu Émruku

Dr. Patricio Baca Mancheno
Chichaman Kakarma Iwiarin Wáatkari

Dr. Guillermo González Orquera
Chichaman Kakarma Anaimiatái Iwiarin

Dra. Patricia Zambrano Villacrés
Chichaman Kakarma Anaimiatái Iwiarin

Dr. Miguel Pérez Astudillo
Chichaman Kakarma Anaimiatái Iwiarin

Dr. Guillermo Falconí Aguirre
Másh Áakmau

Métekrak takákmainia: Francisco Tomalá Medina
Takat najánatniun ñin: Chichaman Kakarma Iwiarin Émruku
tura Chichaman Kakarma Anaimiatái émrük eá.
Nakúmak Najána iniakmau: David Echeverría

Segunda edición, octubre 2013
Impresión: Tecnoprin
Tiraje: 5.000 ejemplares

Derechos Reservados
Tribunal Contencioso Electoral
Quito - Ecuador

Traducciones realizadas dentro del marco del proyecto
"Fortalecimiento al Manejo Electoral en Ecuador" con la
colaboración del
Instituto Interamericano de Derechos Humanos, Centro de
Asesoría y Promoción Electoral (IIDH/CAPEL)

Con la asistencia técnica del equipo traductor:

SHUAR:
Equipo de Interpretación:
Lucía Majeant

Validación:
Yaanua Vargas
Kevin Unkush

SUPERIOR GENERAL
José Yáñez del Pozo PHD

JUÁRMA

Jimiara nupanti yarush (2008) uwitin Ecuador Nunkanam Kakaram Chicham Umpuarma Uminkiatin tama, akánu jimiara nawe tsenken (217), júna tawai: “Anaitiai chichamramu nuka takat najankar umintikiatniuiti, nuka anaiyakur ajaprua ii úuntri anaikiatín. Iniaitiai tuakma atinkia, mai takat juamu, takatmauri takustiniaiti, nii chichamrisha ankant aitiniaiti. Ni enentai juamujai tura ankant nuyá iniashi iitsuk takakmanka jurkamu atiniaiti”.

Jú kakaram chicham umíktin timia, anaitiai chichamramu umuchkaiti, warí ni takakmatairi tura niniuri iistin nunka tesamu, yaunchukta Anaimiatái Tribunal Supremo Electoral (TSE) tama juni nakanairaru asamtai: Consejo Nacional Electoral (CNE) tura Anaimiatái Chichamnum Tujinkiar Iwíartai (TCE) ainiawai.

Anaimiatái Chichamnum Tujinkiar Iwíartai nekaska itiur anaimiaktiniait nú takatan emriniaiti, tura aentsan takat najánamu pénger iis ni tuke takatrin umiachkui asutmantikiamuiti. Antsuka Matsatka Anaimiatái Chichaman Iwíartaikia óyatik aents tunamakmatai kakaram chichaman iwíaratniuiti.

Júka Anaimiatái Chichamnum Tujinkiar Iwíartai jintiaka, nekaska itiura chicham aujmatkaria timiatrusik takat nájánmanu tuke umiktiniait nuna emrawai, warí jú kakaram chicham umíktin papi árarar ejékamu asamtai, aentsank junaka Anaimiatái Chichamnum Tujinkiar Iwíartai tsawant tesakma akui patastinia jeáyí.

Ecuador Nunkanam Kakaram Chicham Umpuárma Úmiktin, Métekrak átin tura aéntsu naári iniakmamma

Ecuador nunka máshiniu pachinkiar, takusar nuyá arantunaikar matsamsatai tusar iruntramuiti; nuní asa máshiniuiti, tuakmanuiti, aráantukmaiti, ankantaiti, chikíchkiti, núkap aents mátsatkaji, úunt nunka iruntramuiti, úuntri takákui, ankanniuiti. Úuntri anaikiamukla aents matsatkainianuiti, utsumamu iis yaimkiatniuiti, enentai jukimiua nújai métek takakmastiniaiti. (Akánu 1).

Ecuadornumia núa nuyá aishmank jú imiana takakainiawai, másh imiannum pachinkiatniun yáankesh anaikiatin akuinkia, tuaktinian tura enentai juakmaru tuakma najánatniun nui pachiniak nuyá anklant nii enentaijjaiak jinkitniun nuyá aintsank chicham juamunam enentai awastinium. Aents arántia írar áiniaka nii tui pachinkiamnia áinia nui pachinkiertin; Inísma átinian; Anaikiamu imiancha takákuinkia jiki ajapar chikich ekentsatniun; Takat waitmakar nuyá máshiniunu takakmastinian nii nékamujai nuyá jeanujai métek nuka máshi nekámujai, pachikmajai, métekrak, mashiniu, núkap jukar anaikiamu atiniaiti. Ajapruatniuka aents nawe yarush takakkainia un iniarmaiti. Nuyá aents asutiamu áinia nusha chicham umirkachma áinia nuka anaityamunam ajapruawartiniaiti. Tura aentsank nawe ujuk nuyá nawe yarush uwi takakainia nuka yana ajapruatsa wakeruinia nuna iniarhamujai nii enentaijjaiak ajapruatniuiti nunisank úuntach ujuk nawe ewej takakush, aentsank Ecuador numia núa aishmank arant wearua nusha ajapriarniuiti, tura suntar pushu suntar nuyá aents iniashi imiancha áinia ausha ajapruatin ainiawai. (Akánu 61, 62 tura 63).

Aishman nuyá núa pujuinia, chikichkimas nuyá máshiniu nisha atukar pachinkiertatui chicham juamunam, iwiarnamunam, máshiniunu eamramunam, takakmau ainiana nú iistinnium nuyá aents matsatmanum nuyá úuntri ainian, mashiniu kara atírar juamunam. (Akánu 95)

Máshiniu pénker iwiarnatra jukitin juamuka máshiniu najanatín nekaska chichama iwarin umitai najánin ainia emkaka timiatrus juarkiertiniaiti. Aents mash ii nunken pujuinia ausha utsumamu akuinkia untsumma seamiartiniaiti anintrusma ati tusar. Aents Ecuadornumia imiatrí takáka nuka úunt iniaikiamua nuna chichama jurus ajapamniacití, jikminiaití. (Akánu 103, 104, 105)

Untsuri aents anaikiatniunmaka, amitiai tana aintsank métek akantukma nuyá ankant ajapruamu susamu atiniaiti aishmank nuyá nuasha aintsank. (Akánu116)

ANAIMIATAI CHICHAMNUM TUJINKIAR IWIARTAI TAKATTRI:

Anaimiatai Chichamnum Tujinkiar Iwiartai (TCE), nii takatri umiak Akánu 221, nekápmatai 1 tura 2, Ecuador Nunkanam Kakaram Chicham Uminkiatin Umpuarmanum, júna tawai:

1. Ákik iwiasmakma anaiyamunam umuchkamun, pénger junakniuashit tusa iistiniaiti nuyá péngerash anaiyamu juna nuna.

2. Akikia imian umuchkacharuítkuinkia, asutiatniuiti, iniankak chichaman nuyá anujraruítkuinkia.

ANAIMIATAI CHICHAMNUM TUJINKIAR IWIARTAINIUM, TATAKMAMUNAM WARIKSHA UTSUMTAI NEKATIN:

Kakaram Chicham Anaimiataniu Uminkiatin tura Ecuadornum aents tuakar pujuiniamu, Akánu 268; tura mash maéntek chicham uminkiatin tusa Anaimiatái Chichamnum Tujinkiar Iwiartái neka emruktinaiiti:

**Itiurchat wainkiar awemata
tusa seamma**

Ayatik atsa tamanu

Penkerchaiti tama

Iniankarik iyamu

Jui takakmamunmaka, Anaimiatái Chichamnum Tujinkiar Iwiartaikia, chicham papijiai turuskesh chicham ejerar étsermanum pachinkiarmin timiniati. Antsu chicham iwaratin tujinkiamunmaka Anaimiatái Chichamnum Tujinkiar Iwiartainiam iwarat tusal susatnuiti, juinkia mash aents métrekrak tuákar mash ajapramunam, chikichik yaimiakuinkia emrukmiati.

ANAIMIATAI CHICHAMNUM TUIJINKIAR IWIARTAI JUÁMNUNAM YÁA ITIURCHAT AMAJSAMNIAITI?

- Jú takatnumka ayatik aniyamu náari pachiniainia aminiaiti. Áyatik aniyamu tamaka, Iruntraru náamrukaru ainiawai, nuámtak iruntraru anaikiamnia tura aents anaikiamnia. Juka chikicha náari pachinkiat tusar anaikiamuiti.
- Aents turuskesh aents nukap iruntrar nú takatnat enentaimta.

*(Akánu 244, Maéntek Chicham Uminkiatin, Akánu 9 Anaimiatai Chichamnum
Tujinkiar Iwiartai kakaram chicham umiktin ejékamu)*

Takakmamunam wariksha ayamrumaktin utsúمامu:

- 1 Iruntramu turuskesh úunt anaiyamu eketainiamunam chicham ejékamu iwiaratsar ápujma.
- 2 Yaintinia aentsu náari, ninu umiktin asamtai ninki turuskesh chikicha náarti taá seámu; jú chikicha naarti táakuinkia nuna náari peékma.
- 3 Itiurkara wararsartata, chicham iwiamamu umiktin turuskesh itiurchat iwiaratin ápujea.
- 4 Chicham itiurchat amajsamu, pénger paant aujmat samu patastin, itiura chicham meseka itiurchat amajsamuit nuna.
- 5 Itiurchat chicham ajásu, paant amajsatssa papi warinkisha iniakma.
- 6 Imiatkin Tesákma apujsamu chicham aárar akupeakur nekám tikiatin.
- 7 Papi akuptuktin jeámtainkia, tuimpia akuptuktinait nuna iniakma.
- 8 Ejénumakní nákak chicham akuptuktin iniakma.
- 9 Aentsu náari tura kuesma, turuskesh nii ewejé kantséjai shút anujea.
- 10 Aents ayamra náari tura kuesma.

(Akánu 13, nekápmatai 1 juárki 10 amuwai, juka Anaimiatai Chichamnum Tujinkiar Iwiartai kakaram chicham umiktin ejékamu).

I. ITIURCHAT WAINKIAR AWEMATA TUSA SEAMMA

Warí itiur akuiya Itiurchat wainkiar awemata tusa seamma aminiait?

1. Itiurchat wainkiar iwaratin anujkachmin atsa timia turuskesh emésramu, aents anaikiatin irutkamuri péekma penkesh umuchkachma.
2. Aents animiaktasa papinium anujmamka péekma turuskesh nakitramu.
3. Aents animiaktasar irunar matsatainia anujmamka péekma turuskesh nakitramu.
4. Papí ajapruamu nekapmamu.
5. Takakmastin susamu.
6. Papi ajapruamu íisma jeachu.
7. Anaiyamu papí ajapruamu íisma jeachu.
8. Papi ajapeamu íisma jeachu.
9. Papi ajapruamu pénker íisar.
10. Papi ajapeamu pénker íisar.
11. Aents animiaktasar irunar matsatainia itiurchat takakainia.
12. Tura chikich takat wararsatin turuskesh chicham iwiaramu umiktin Anaimiatai Chichamnum Tujinkiar Iwiartai tura aentsank matsatkamunam animiatai chichamnum tujinkiar iwiartai puja, aents animiaktinia itiurchat amajea turuskesh yaákish kakaram chicham jui etserna nuna umiak étseru.

(Akánu 269, Maéntek Chicham Uminkiatin).

¿Nusha tuimpia papisha awástiniait?

Juka nekaska aents Anaimiatai Chichamnum Tujinkiar Iwiartainium papikia patasmaiti, nui penker íisar iwiaramu ati tusar.

(Akánu 268, Maéntek Chicham Uminkiatin).

¿Warí tsawant jeamtaiya ltiurchat wainkiar awemata tusa seamma aminiait?

Nekaska chicham itiurcha juramunam, menaint tsawant jeá nankamachain, chicham ni nekatín aárar wárik ujaktin.

(Akánu 269, Maéntek Chicham Uminkiatin).

Pachíschamu:

Anaimiatái Chichamnum Tujinkiar Iwiartái (TCE) Chicham iwíaramu umiktínia, aents anaimiaínia itiurchat chicham akui, jimiár tsawant nankámatsain papí aárar patasma.

(Akánu 103, Maéntek Chicham Uminkiatin)

Anaimiatái chichamnum tujinkiar iwiartainiam emamkesar najánatin chicham iwíaramu turuskesh ninki pujúsar takakmainiasha, aénts náamkatin naári peémkatin nakittramú, jimiará tsawannum.

(Akánu 106, Maéntek Chicham Uminkiatin)

Papí ajapruamu nekapmamu jíirma akuish, Anaimiatái Chichamnum Tujinkiar Iwiartái werí papí aarar awastiniáití itiurchat akuinkia, tsawant jimiár nankamachain.

(Akánu 137, akánkamu jimiár)

Aents anaiyakur papí ajapruamu tiumu akuinkia, nekaska jimiara tsawant amunachmanum penker nekapmar papijíai aár seamtiniáití.

(Akánu 137, akánkamu amuá)

Itiurchat wankiar chicham iwiamu umiktinri tsawantri

Chicham ittiurchat akui nii tsawantri tesatamu jeamtainkia, ewéj tsawant amunachmanum papi aárma achikmajai.

Pachíshamu:

Antsu ju chicham iwiaratni tsawantri nankasmatainkia, menaintiu nawe tsawant nankamachmanum iwiaratnuii.

(Akánkamu amuá, Akánu 268 Maéntek Chicham Uminkiatin)

Antsu aents iruntrar anaimiainia chichamri itiurchat akuinkia, juka nii tsawantrisha níshaiti. Tsénken tsawant tesaramuiti chicham iwiamu umiktinri.

(Akánu 269 nekápmatai 11, Maéntek Chicham Uminkiatin)

Antsu nekaska nekápmatai 12, Akánu 269 Maéntek Chicham Uminkiatin tana aentsank, tsawant nawe nakamachain, chicham aárar ejeakur nekamtikiamunam.

Jeáru:

Anaimiatai Chichamnum Tujinkiar Iwiartainiam, itiurchat chicham awasma iímiam, chicham iwiamu umiktin Anaimiatai Chicham Tujinkiar Iwiartai ejeajai iístiniáiti, turasha nekápmatai 12, Akánu 269 pachishchamuii.

(Akánu 55, Anaimiatai Chicham Tujinkiar Iwiartai kakaram chicham ejékamu)

Itiurchat wankiar chicham iwaramu umiktinri tsawantri, aents iruntrar anaimiainia chichamri itiurchat akui

¿Itiura emrukiartiniait?

Antsu itiurchat chicham iwarachmin juakmatainkia, aents iruntrar anaimiainia kakaram chicham umiktin ejémujai émruktin.

(Akánu 371, Maéntek Chicham Uminkiatin, Akánu 58 Anaimiatai Chicham Tujinkiar Iwiartai kakaram chicham ejékamu)

¿Aents iruntrar anaimiainia chichamri itiurchat akui, warí tsawant jeamtaiya, ankán seamma aminiait?

Menaintiu tsawant jeá nankámachain, kakaram chicham nuin umiktin iwaramun mash amuwai.

(Akánu 269, Maéntek Chicham Uminkiatin)

¿Nusha, aents iruntrar anaimiainia chichamri itiurchat akuish yaá papí ejék patastiniait?

- Aents iruntrar anaimiainia náari anújramu.
- Aents iruntrar anaimiainiamunam achittrainia.
- Aents anaimiaktinian tuakar anaikiar utsuiniamunam, niniu naámkatin amunam itiurchat amajsamuitkui, nii achikiamunam.

(Akánu 58, Anaimiatai Chicham Tujinkiar Iwiartai kakaram chicham ejékamu)

¿Irunar jú takaknak takainiak pujurainia, itiurchat akuish urútmak jéa irunea?

Akánu 269, Maéntek Chicham Uminkiatin, nekaska urutma jú takatan éemruinia iruneaka jimiari ainiawai: Yamamtaikkia Emruku neka iwiaratnuiti, jú takatka chikichkimsar íismaiti. Tura aentsank, Anaimiatái Chichamnum Tujinkiar Iwiartainiam aents tuakar pujuinia iisartatui.

Emamkesar nájanma:

Mash papiri iirsar ejéramuitkuinkia, emrakur utsukma atatui, turatsarkia chichamjaink ayamrumaktin tura emestumakmincha aminiaiti, juinkia warinkish iniakmastiniaiti ayamrumakmij tusa.

Aents iruntrar anaimiainia chichamri itiurchat akui, chicham iwiamamu umiktin warí tsawant jeamtaiya, ankán seamma.

Yamamtaikia, tsawant tsenken ekemas nankamachain iwiaratnuiti, chicham iwiaratin warik nekamujai. Yamamtaik warik chicham ejekamuka yapajianmia juakminiaiti, júka tsawant menaint nankamachaint, chicham nekamunam. Tura atak chichama nekanka, junaka Anaimiatái Chichamnum Tujinkiar Iwiartainiam iwiaratnuiti, júka tsawant ewej nankamachain, chicham aárma achik nekamunam. Aents Emruku iturchat chichama amejeakuinkia, chikich aents Emruku Wáatkarijai yapajiatnuiti.

CHICHAM IWIARATIN TESATAMU

7

Yamamtaikia 7
tsawant tesatamu

3

Menaintiu tsawant chicham
iwiamamu uminkiatin yama
juarmanum.

5

Ewéj tsawant chicham
iwiamamu uminkiatin

II. PENKERCHAITI TAMA

¿Penkercha tama urútia papincha áárar awasminiait?

- 1 Ecuador nunkanam anaimiatai iin, umiktin uminkiachmatai, chichama najánainia timia nunisank turutskesh takakmin ainia umikchamunam.
- 2 Nui takakmainia seamu aimianiachkui.

*(Akánu 270, nekápmatai 1 juarki 3 amuwai,
Maéntek Chicham Uminkiatin*

¿Warí tsawant jeamtaiya Penkerchaiti tama Itiurchat wainkiar seamminiait?

Penkerchaiti tamaka tsawant ewéj ekémas nankámachain seamminiaiti, itiurchat chichaman najána turuskesh umikchaitkiui.

¿Itiurchatan iín aínia urútma pujurainia?

Nekaska Itiurchat takatan éemruinia iruneaka jimiari ainiawai

- Yamamtaikkia Emruku neka iwiaratnuiiti, jú takatka chikichikimsar íismaiti.

- Tura aentsank, Anaimiatái Chichamnum Tujinkiar Iwiartainiam aents tuakar pujuinia iisartatui.

*(Akánu 72, akánkamu menaint, Akánu 270,
Maéntek Chicham Uminkiatin)*

** Itiurchat chicham tama Aents Anaimiatái Chichamnum Tujinkiar Iwiartainiam Emruku papijai aárar apújtusma nekanka, jú chichamnaka Aents tuakar jui takakmainia nekawar, iisar áya ninki iwiartain ainiawai.*

5

Jú chichamnaka ayatik ewej tsawant Itiurchat chicham aán nekatín ainiawai.

Itiurchat chicham iwiaramu umiktnia tsawantri:

Itiurchat chichamka nekaska, tsawant nawe ekémas nankamachain iwiarartiniaiti, wárik jú Chicham nekámu amanum. Jú itiurchat chicham iitkia jintiukin papi awantsamuka, juka jimiará tsawant nankámachain iwiaratin umuchtuktniiaiti, kakaram chicham umiktnin iitkia jintiuknuitkuinkia. Tura aentsank, Anaimiatai Chichamnum Tujinkiar Iwiartainiam aents tuakar pujuinia iisartatui, tsawant ewej ekemas nankámachain iwiaratin ainiawai, chichaman iwiaratniun wárik nekamu amanum.

CHICHAM IWIRATIN TESATAMU

10

Yamamtaikia chicham iwiaramu uminkiatniuka 10 tsawant tesatamu.

2

Jimiará tsawant chicham iwiaramu uminkiatin ayamrumakma.

5

Ewéj tsawant chicham iwiaratin ataksha juke juarnakui.

Requisitos de la acción: Papi áarar ejeámunmaka, aents ayamrumea papi mash imiatkiniash awasu nú aneasma atiniiaiti tura aentsank warinia fitiniiait nusha áarma atiniiaiti; nuyá aentsank ju chicham paant juamunam mash ejéramu atiniiaiti, júi 6 papiniam iniakmana aentsank.

(Art. 13. del Reglamento de Trámites Contencioso Electorales).

¿Itiurchat wainmanum yaá kakaram chichamjai asutiamniait?

Áyatik aents Anaimiatai chichamnum Tujinkiar Iwiartainiam ekémas takakmainia asutiamnia ainiawai.

III. AYATIK ATSA TAMANU

¿Warí tsawant jeamtaiya Ayatik atsa tamanu seamma aminiait?

ENekaska Ayatik atsa tamanu chicham itirucha juramunam, menaint tsawant jeá nankamachain, chicham ni nekatín aárar wárik ujaktin.

¿Nusha yáa ju chicham juamunam itirchat Ayatik atsa timiniait?

Juinkia áyatik aents iruntrar anaimiamunam pachiniainia.

¿Nusha yainia turuskesh tuimpia Ayatik atsa timia ayamrukminiait?

Aents tuakar Anaimiatái Chichamnum Tujinkiar Iwiartainiam pujuinia iisartatui.

¿Urukamtai nusha Ayatik atsa timiasha ayámrukartiniait?

Aents anaiyamunam papi ajaptukma japirar amúktin.

(Akánu 271 akánkamu chikíchik)

ITIUR PATASTINIAIT

3

Ayatik atsa timia chichamnaka
menaint tsawant aán nekatín ainiawai

AYATIK ATSA TIMIA CHIKICH PAPICH AARMA IRUNU UTSUMA:

- 1 Papijiai aents anaikiamu Chicham ajéyamunam penker aárar jintia ayatik atsa timia.
- 2 Ayatik atsa timia chicham paant ejétsar imiatrusar juramu jintia.
- 3 Urukamtai Ayatik atsa timia niniuri umiktin aítkiamu papiri mash írsar ejeteamu.
- 4 Emamkesar warí chichama chanuaj nuke enentaimtusar urukamtai papi aents anairamu Ayatik atsa timia.
- 5 Matsatkamunam, irutkamunam, nunka tesakmanum, yajá nunka papi Ajapmanum chicham aujmatamu aákmarma Ayatik atsa timia.
- 6 Emankesar chikichkimsar ltiura Ayatik atsa tamait.

*(Akánu 76 Anaimiatái Chicham Tujinkiar Iwiartái
kakaram chicham ejékamu)*

Ayatik atsa timia chichamri ifiurchat akui, tsawant jeamtaiya, ankán seamma

Chicham iwiaratin Ankan tsawantri tesakma:

Aents anairamu papiri mash juurma irunea japirtaj tuiniakka, Anaimiatai Chichamnum Tujinkiar Iwiartai, aents tuakar, jimíara tsawant nankamachain chichaktin ainiawai.

Anaimiatai Chichamnum Tujinkiar Iwiartai, tsawant nawe menaint jeáchain aitkiawartin ainiawai.

Ayatik atsa tama Penkesh najánachmin, yainchatin

Chicham pénger iwiarchamunam paant amajsachminiaiti, Ayatik atsa tama pénger Anaimiatai Chichamnum Tujinkiar Iwiartai japiachmanum, yamaram aents anairatin.

CHICHAM IWIARATIN TESATAMU

48

Jimíará tsawant
weachmanumak Ayatik atsa
timia mashikia japirchamu

30

Menaintiu nawe tsawant
weachmanumak Ayatik atsa
timia mash japirtin

IV. INIANKARIK IYAMU

¿Nusha yainia turuskesh tuimpia Iniankarik iyamu ayamrukminiait?

Aents tuakar Anaimiatai Chichamnum Tujinkiar Iwiartainiam pujuiniamunam patasartin ainiawai.

¿Nusha ya awasminiait?

Ayatik aents iruntrar anaimiainia ainiawai.

(Akánu 272, akánkamu chikíchik, Anaimiatai Chichama Kakarmari umiktin tura Ecuador Nunkanam Aents Tuakar anaimiainia, Maéntek Chicham Uminkiatin)

¿Warí tsawant jeamtaiya Iniankarik iyamu apújsar iisma aminiait?

Jú iniankarik apújsar iyámuka ewej uwi ekémas nankámachain chicham iwiamu uminkiatin iisminiaiti: juka émamkesar enentajjai iisar, kuit umuchkamu itiurchat akui.

¿Iniankarik iyamu urútia papincha áárar awasminiait?

Iniankarik iyamuka ayatik juní ayakur:

- 1 Ecuador nunkanam anaimiatai iin, turetskesh Anaimiatai chichamnum tujinkiar iwiartai iin tama itiurchat aink nekayat penker awajas atrerkamtai.
- 2 Ecuador nunkanam anaimiatai iin, turetskesh Anaimiatai chichamnum tujinkiar iwiartai iin tama chicham atserkamu ai papi kakaram akunam taun pachitsuk atserkamtai.

(Akánu 272, akánkamu chikíchik juárki aintiuknum amuna, Anaimiatai Chichama Kakarmari umiktin tura Ecuador Nunkanam Aents Tuakar anaimiainia, Maéntek Chicham Uminkiatin)

3. Chicham ejenartinnium papi nekamunt uunt chicham penker ístá timia chichainiak yajauchiti tiarmatai.
4. Consejo Nacional Electoral turutskesh Tribunal Contencioso Electoral asutiamu ai nui takakmainia eméskamu ákui.

Iniankarik Ayatik atsa timia chichamri itiurchat akui iyámu

Imiatkinri iyámu tamaka, nekaska náwe ewéj tsawant ekemsantai.

CHICHAM PATASTIN AÁNKUAMU

5

Imiatkinri iyámu
chichamka ayatik ewej
tsawantaiti

CHICHAM IWIRATIN ÁANKUAMU

15

Imiatkinri iyámu chicham
iwiramu uminkiatniuka 15
(náwe ewej) tsawant tesatamu

V. ANAIMIATAI CHICHAMNUM TUJINKIAR IWIARTAI TUNAMKA IÍSTIN

ANAIMIATAI CHICHAMNUM TUJINKIAR IWIARTAI CHICHAM NEKÁTIN

Mash chicham umíkchamu

- 1 Anaimiatai Chichama Kakamari umiktin tura Ecuador Nunkanam Aents Tuakar anaimiainia, Maéntek Chicham Uminkiatin penkesh umikcharu.
- 2 Anaimiatai Chichamnum Tujinkiar Iwiartai nuyá Anaimiatai Chichamnum chicham itirchat inintrutainiam, kakaram Chicham umiktin umikchamu.
- 3 Aents anaiyamunam, ákik apújtusma pénger umuchkarat tusar iístin tura ákik antrar umuchkaraint tusarsha iistin.
- 4 Anaimiatai Chichamnum Tujinkiar Iwiartainiam Juna nekatnuiti, aents anaiyamunam ákik umuchkamu papi ejékamu pataschaitkuinkia, ákik paant amajsachmajai, aentsu naari akikian apujсарu, aents kuitian apujainiak paant amajsachmanu, ákik emamkesar umuchkur penker tesakar umuchkamu, ákik jíinia tura enkemea paant amajsachma, ákik ikusma papirijiai takakujai.

(Akánu 272, nekapmatai chikichik juárki tsénken amuna tura akántram amuamu Maéntek Chicham Uminkiatin)

- 5 Chicham umiktin tesamu paant papi ejekamunam, Anaimiatai Chichamnum Tujinkiar Iwiartai nuyá Anaimiatai Chichamnum chicham itirchat inintrutainiam, wárik utsuma susachma.
- 6 Aents anaiyamunam, ankan susachmanum éemak chichama etseru.
- 7 Nakak turuskesh aentsu naari takat susamu, chicham tuntuiniumani, wakan itainiumaní turuskesh aá peérma.

ASÚTMA

Pénkesh aents tuákar anaiyamunam pachinkiaian tusar chikíchik uwi tura akik ashi irurar achiamunam náwe nekaptusar kuit akikmamu tsupirkatin, juka nekaska nekapmatai jímiar tura aíntiuk, Akánu 275, Maéntek Chicham Uminkiatin.

Aents anaiyamunam itiurchat chichaman najánatin iwiartai anairamu.

(Akánu 272, akántramu menaint nuyá aintiuk tura Akánu 278 Chicham Uminkiatin Tujinkiar Iwiartai

Maéntek Chicham Uminkiatin, nekaska urutma jú takatan éemruinia iruneaka jimíar ainiawai: Yamamtaikkia Emruku neka iwiaratnuiti, jú takatka chikichkimsar iísmaiti. Tura aentsank, Anaimiatái Chichamnum Tujinkiar Iwiartainiam aents tuakar pujuinia iisartatui.

Chichamjai taritramujai aents asutiamu tsawantri tesakma

Yamamtaikkia, menaint nawe ekémas nankámachain itiurchat chicham iwaratin atatui. chicham iwiaramu umiktin ewemamuka yamamtaikkia, tsawant manaint ekémsai iwaratin ainiawai, chicham umiktin akuptukma nekawar. Anaimiatái Chichamnum Tujinkiar Iwiartainiam aents tuakar pujuinia iisartinkia, tsawant náwe ekémas nankamachain, aents asutiamu tsawantri weamunam, ayamruktin chicham papi awastinia. Jimiará tsawant pujus nankamachain, jú chichamka iwaratin ainiawai turasha ará arrant nekataj tuiniakka ankantan seamtin ainiawai.

30

Aents anaiyamunam tunamkamtai chicham emeskamu iwiaratniuka, menaint nawe tsawantaiti, yamamtaikkia.

3

Yamamtaik chicham iwiaramu umiktin Tunamka ayamruktinkia, menaint tsawantaiti.

10

Chicham juámunam metekrak iwiaratniuka nawe tsawantaiti

Aents anaiyamunam tunámka itiura asutiatnuit, chicham penker nakak umiakur:

Aents anaiyamunam tunámka itiura asutiatnuit nuka, mash aents umitmakaru chichamjai paant jurakur, juka aents ninki ayamrumaktin asamtai, Akánu 75, 76 tura 77, aentsank Akánu 249 Chicham Uminkiatin Tujinkiar.

Chichamam Kakarma lwiarin, aents tunamka achiktarum tusa umitai papi akupkatawai. Jú tsawantin, tsawantan tura etsa urúkai júna chichamtiawartata nuna iniakmas papin akupkatawai, tura amunam chicham uminkiatin tamaiti. Jú chicham umiktin ejeámun nekaska Anaimiatai Chichamnum Tujinkiar lwiartainiam aents tuakar pujuinia iisartinkia.

Aents chichamtksamunam amikmakmatai asutiatin akuinkia, nekas ninki ayamrumamunam tura chichakmanum nekaska júna uminkiatin ainiawai:

- AENTS TUNAMKACHU AÍNI ÍSTIN
- IMITIAI CHICHAM JUARMANUM
- AENTS KASA ITIURCHAT AMANUM ÉEMKA SETURTIN
- AENTS CHICHAMEJAI AYAMRUMAKTIN

(Akánu 281 Chicham Uminkiatin Tujinkiar).

Anaimiatai Chichamnum Tujinkiar lwiartainiam pénger iisar najanar amikchamtai asuttiai:

TAKAKMA JÍIKTIN

**AENTS ANAIMIAKTINNIUM
PACHINIA SETURMA**

AKIKMAMU

¿Iiura Anaimiatai Chichamnum Tujinkiar Iwiartainiam aents emestumakun nekawain?

(Akánu 82, anaimiatai chichamnum tujinkiar iwiartai kákaram chicham umiktin iwiareakur iístin)

- 1 Aents anaimiakartattsar tuinia turuskesh seámu.
- 2 Aents anaimiakartin itiurchat papin aárar patasartin.
- 3 Anaimiatai Chicham Tujinkiar Iwiartai kakaram chicham ejékamu tsankurnaitiai papi aár akupkamu takat itiurchat amajsamu.
- 4 Nekámtai papi aárar akupeamunam

Requisitos de la denuncia de las o los electores:

(Akánu 84 Anaimiatai Chicham Tujinkiar Iwiartai kakaram chicham ejékamu)

- 1 Itiurchat chichama etseru aentsu naari, juinkia nekas chicham paant ajastinian iwiatkinia patastatui.
- 2 Itiurchat chichama etseru nii pujamuri iniakmastiniaiti, tura ejénumaknumaní chicham warík akupkatniu nuya papi enkeatin uchich jea iniakmastatui.
- 3 Chicham uraimiuka paant nakak iisma atiniaiti, nusha tuimpia, urutia (etsa, tsawant, nantu nuyá uwi) tura warinma nusha tunamkamuit.
- 4 Tuakaru aentsu naari, aentsank aents wajainiamunam umitmakma naari turuskesh aentsu naari juna nekawaru.
- 5 Emeskamu tunamkamu urutmak jeá.
- 6 Itiurchat chicham paant iniakmamu turuskesh itiurchat chicham paant etserma.
- 7 Tuimpía chicham wárik ujánkatta nuna iniakmastatui.
- 8 Aents taá chichamrumaktinia kuesmarma turuskesh ewejé kantsemarma papinium péektin.
- 9 Tura aentsank chikich chicham jintiá tura jú chichamnak iisar nekawar yaki aifkia tusar aents tunamkaru nekatin.

Aents takakmatainiam ekémas takakmainia turuskesh úunt aína aú tunamkaru

- 1 Anaimiatai Chicham Tujinkiar Iwiartainiam takakmainia tuke yaintin amanum yayachma akui.
- 2 Imiatkin Anaimiatai Chichamnum Tujinkiar Iwiartainium irunu achikchatin achiamunam.
- 3 Anaimiatai Chicham Tujinkiar Iwiartai chichaman wárik seámu umirkachma akui.

ASÚTMIA

Nekas aents júna aítkia jíiki akúpkaamu atatui tura akik irurar akiamunam náwe akikian akikmaktatui.

*(Akánu 276 nekapmamu 1(chikichik) juárki 3(menaint) amuana
Maéntek Chicham Uminkiatin nui*

Jú nunkanam aents anaiyamunam chicham etsernakui takakmamunam imiatkin írunu nuya takakmatai jeá takaschatin achiamu

Kakaram chicham umiktin aents umikcharu Anaimiatái, kakaram Chicham Ecuador nunkanam umiktin umikcharu, nankamas anaimiaktinnium imiatkinia tura ekémsar takakmatai jeá.

Anaimiatái Chichamnum Tujinkiar Iwiartainium pujuinia, aents áya chichamjaink chichamtiksar, asutiatin amanumka iniakmas papin akupkatawai, tura amunam chicham uminkiatin tamaiti.

ASÚTMIA

Nekas aents, warinia amikmakuit núna nekarawar, nawe akantusmach tura menaint nawe akantusmach, aents irunar akik sukamu umuchkachmanu.

Kakaram chicham uminkiatin amitsuk ataksha umitsuk weakuinkia, aents aniamiaktin japirma atatui turuskesh aents anaimiaktinian tuak iyan sutiamu atatui.

Iturchat amajsaka, nankamaku awajsachminiaiiti asutiatiuk jeayi.

(Akánu 282 Chicham Uminkiatin Tujinkiar).

Chichama etserin ainia tunamkaru

- 1 Aents anaiyamunam Tampur chicham etsertai surumunam.
- 2 Aents anaimiaktinia chichame Tampurnumaní kuitjiai turuskesh antar Anaimiatai Chichamnum Tujinkiar Iwiartainiam akupkatin chikich akupeakui .
- 3 Aents anainiamunam Chicham anujrar etserma chichamri umiktin etserkamu umiachmanum.
- 4 Kakaram chicham umiktin Anaimiatai Chichamnum Tujinkiar Iwiartainiam etserkamu, aents anainiamunam Chicham tampurnumani etserkatin akupeachkui.
- 5 Aents anaiyamunam, chikich aents aántar chicham etsernam itiurchat takastin, chichaman emesak yajauch amajas aántar etseru.

ASÚTMIA

Chicham etsermanum tsupirkamu akui tura aentsank ju turamunam akikmaktin junaka ewej nawenkesh turuskesh washim amuchat kuitian akikmaktin.

(Akánu 277, nekapak chikichik juarki ewej amua, juka Chicham Uminkiatin Tujinkiar Iwiartainium

Aents anaimiatainiam ekemas takakmainia takattrinkia tuke uukma aa

Wáatkari, Emruku, tura chicham jintin nuyá aents anaiyamunam ekémas takakmau ainia au, Chicham itirchat akui apapek iinia arantukma atin.

ASÚTMIA

nekas aents júna aítkia jíiki akúp kamu atatui, aents niniuriniunal amiak jímíará uwi pachinia.

(Akánu 284 Maéntek Chicham Uminkiatin nui).

Aents tura uúnkesh ekémas Maéntek Chicham Uminkiatin takakmainia, warenaesh itirchat takatan najanawaruitkui.

Kakaram chichamjai juni asutkiamu aartatui:

- 1 Aents ninki chichau ainia anaimiatainiam pujuinia aú, papi anaimiatai ajapmanum aántar nankamas wechaitkui takat Imiatkin Anaimiatai Chichamnum Tujinkiar Iwiartainium imian takakmaschamuitkui.
- 2 Uúnt nuyá aents irunar takakmainia, penkér aántar aentsun Anaimiatai Chichamnum Tujinkiar Iwiartainiam takakmainia turuskesh aents anaimiaktatsa pujankesh achiniakuinkia, wari kakaram chichamjai arántukma asarmatai juna úukchamnia ainiawai, aentsank sepunmash enkeachmin ainiawai, antsu tunamea wainkiamuitkuinkia, tura nijimatainiam itirchat wainkiamuitkuinkia turuskesh nuwe katsumnuitkui.
- 3 Aents nankamas Anaimiatai Chicham Tujinkiar Iwiartai chichamanum ekémas takakmachiat Uúnt anaikiamu turuskesh aents ekémas takakmainia itirchat amajeakui.

ASÚTMIA

Aents itirchata aítkia jíiki akúpkamu atatui tura ni takakmamurish tsurinkiamu atatui. Ju aentska chikichí uwi penkesh pachinkiashminiaíiti.

*(Akánu 285 nekamatai chikichik juarki ewej amunakui,
juka Maéntek Chicham Uminkiatin nui)*

*(Akánu 286 nekamatai chikichi juarki jimiar amunakui,
juka Maéntek Chicham Uminkiatin nui)*

- 1 Unt anaikiamu Anaimiatái Chicham Tujinkiar Iwiartái chichame umiktin umiakchkui.
- 2 Aents Anaimiatái Chichamnum Tujinkiar Iwiartainiam ekétun nankamas aántrar ni takatrinchu iwiarat tusa untsuiniakui.

ASÚTMIA

Aents anaimiaktasa pachiniun Ujúk nantu jíiki akúpma.

Unt aents akinia papiri éemrin anaikiamu tunamkamtai turuskesh aents ju takaknum chichaman iistin itiurchata nájanea.

ASÚTMIA

Aents penke nankami aantar aentsu pujamuri yapajar, aents jakaru naari japitsuk, turutskesh aentsu naari kakaram chicham umiktin etserna aentsank pénker anujar takakchaitkui.

Akik irurar akiamunam ewej akantusmachin akikian akikmaktatui, wari nii takatrin Kajinmaki najánachu.

(Akánu 287 Maéntek Chicham Uminkiatin nui).

Umítai papi umikcharu

Aents anaiyamunam Akarú takaku

Aents anaiyamunam iruntrar warinkish seammanum, yáakish akaru takakuinkia, akik irunar akiamunam jimiara nawe akantusmachin jurukiartatui, jukla 4 aintiuk uwi arantukma pujutawai.

Akarú takustinian ankan susachmaitkuinkia, asutiamu amajmak, jú aentska Fiscalía General del Estado iisat tusar susatnuiti.

Papi aantar umuchar turuskesh emenkakmatai

Aents anairamu papi yáakish emenkakuitkui turuskesh yapajraitkui.

Chicham jurar papinium aartiniam najanatin nakitiamu

Uunt anaikiamu Anaimiatá Chicham Tujinkiar Iwiartainiam, Uunt tura máshi aakmau ninki takakmainia, Chicham jurma papi aárma ninki kuesmartinian nakitíaka, tuma aí aents anairafin chicham paant juamu itíurchat ajasun.

*(Akánu 288, nekapmatai chikichik juarki ewej amuwai,
juka Maéntek Chicham Uminkiatin nui)*

Papi ajapruar úunt anaiyamunam, chicham meseku aents makutin

Papi ajapmanum chicham meseku aents Emruku tura Aents anaiyamu chicham jintin makutin.

Chicham ejeamu penkesh etserkashtin

Aents nankamas Anaimiatai Chicham Tujinkiar lwiartainiumia, pénger chichaman ya etserkacha.

ASÚTMIA

aintiuk uwi pachinkiashtiniaiti aents anaiyamunam itiruchata aítkia ni pachinmari chanuntamu asamtai, juka akik irurar akiamunam jimíará nawe akantusmach juramu asamtai.

AENTS ANAIYAMUNAM KUIT SUSAMU

Aents anaiyamunam kuit susamu kuitian nukaákapet amuinia

Papi ajarar aents anaiyamunam tampurnumani, wakan iitainmani, turuskesh numiniam anujrar etserkamu atiniaiti, ninki pujasar takakmainiana ainkia atsa, wari kakaram chicham Akanu 209 juni etseru asamtai. Juinki ju tajinia ainkia chichaman etserainiak penkesh nankamaschatin ainiawai tawai.

Aents chicharpatin	Aents anaiyamunam kuit susamu nankamakchatin
Ekuatura Uuntri tura Ekuatura uuntri patátkari juna akikmakartin ainiawai	0,15 kuitian. Mash ju nunkanam urutmak aentsuk nujatainia ainias. Jimiara ayantukar ataksha Ekuatura untri jiyamunam 40 akantusmach wari yama juarkur ayantamunam chicham ejetukma asamtai.
Parlamento Andino y Latinoamericano anaiyamunam	0,05 kuitian mash ju nunkanam urutmak aentsuk nujatainia ainias.
Asambleistas nacionales tura provinciales, gobernadoras y gobernadores nuyá prefectura tura viceprefectura anaiyamunmaka	0,15 USD 0,05 kuitian mash ju nunkanam urutmak aentsuk nujatainia ainias. Ju takat aitikiamunam kuit 15.000 USD penkesh nankamakchatnuiti.
Yajá nunkanam Asambleistas anaiyamunam	0,30 USD kuitian mash yaja nunkanam urutmak aentsuk jú nunkania nujatainia ainias
Alcaldesas, Alcaldes metropolitanos tura municipales anaiyamu	0,20 USD kuitian mash yaja nunkanam urutmak aentsuk nunka paant penker iyamunam nujatainia ainias. Aents 35.000 ju nunkanam anujmamkaru, kuit apujtamuka 10.000 USD kuitiati penkesh nankamakchatnuiti. Antsu 15.000 ju nunkanam anujmamkaru, kuit apujtamuka 5.000 USD kuit penkesh nankamakchamniaiti.
Consejeras nuya consejeros matsastkamun anaiyamunam	kuit apujtamuka ujúk nawe (60) akantusmach atiniati. Junaka Gobernador takui
Consejales anaiyamu	Kuit jui apujtamuka ujúk nawe (60) akantusmach atiniati. Junaka Alcalde municipal takui.
Vocales Juntas parroquiales anaiyamunmaka	0,30 USD kuitian mash ju matsatkamunam urutma aentsuk nujatainia ainias. Ju takat aitikiamunam kuit 2.000 USD penkesh nankamakchatnuiti.

Amazonía nuyá Galápagos nunkanam, aénts anaimianiamunam kuit akántusar apújsamuka 20% (jimiará náwe akántusmach) wakattawai. Tura aénts anaiyamunam, antsú IVA tama jú kuit apujtamunam ataksha akántuktinkia atsawai.

Aents anaiyamunam kuit apujtusma nuna nankámak umuchkachtin.

(Akánu 293, Maéntek Chicham Uminkiatin nui).

Ju aents anaiyamunam, ya kuit sukatnium tesakman nukankapek umuchia auka juní asutiamu atatui:

ASÚTMIA

Chichaman umikcharuitkuinkia, kuit sukamu aentsank jimiara awakeasar jurukmia atatui. Aentsank iruntrar aents anaimiaktinian matsasar takakmainia ausha asutiamu atatui, aents kuitian umuchia nankamas kuit penker iischamum achia aujai asutiamu aartatui.

Iruntrar aents anaimiaktinian matsasar takakmainia au, aents juna kuitri umuchin, kuitian aents anaiyamunam kuit tesatamu ara arant umuchkaitkuinkia asutiamu ainiawai.

(Akánu 294, Maéntek Chicham Uminkiatin nui).

ASÚTMIA

Chichaman umikcharuitkuinkia, kuit sukamu aentsank jimiara awakeasar jurukmia atatui. Antsu menaint nawe (30) akantusmach kuit susamu jea nankamakuinkia, asutmiaka aintiuk akantusmach kuit apujtusma aentsank.

Kuitian úuk achikiu asutkiatin

(Akánu 296, nekapmatai chikichik tura jimiar, junaka kakaram chicham asuttiai kuit penker jijjiai iishchamu enkemeakui, junaka Maéntek Chicham Uminkiatin nui

Aents papijjai anaiyamunam, aents kuit amuchkata tusar apujsamu tura nánkamas kuit nekachman achia nuka juni asutkiamu aartatui:

Jimiar uwi pachinkishminiaiti aents anaiyamunam itiurchata aítkia asamtai

Chicham aentsaitkuinkia Anaimiatai Chichamnum Tujinkiar Iwiartai (TCE) aínawai, mash juna papiri irur imiatrusar chicham ninluk asamtai aini akuptukma atatui.

(Akánu 296, akantramu menaint junaka Maéntek Chicham Uminkiatin etserna aentsank

Aents anaimiaktin nujamka awakmaku turuskesh awakmakcha kuit pénger iishchamu achikiu.

ASÚTMIA

Chichaman umikcharuitkuinkia, kuit sukamu aentsank jimiaara awakeasar jurukmia atatui. Aentsank anaikiamu awakmakuitkuinkia nusha emenkakma atatui, kuit penker jijjiai ischamu asamtai, juka aents kuitia umuchia turuskesh yakish susamu asamtai. Ju aentska ju chichaman etsérkata tutai warik etserkatniuiti tuniana kuitniash achikuit tusar.

(Akánu 269, Maéntek Chicham Uminkiatin).

Kakaram chicham kuit achikchatin etseru

(Akánu 297, Maéntek Chicham Uminkiatin).

Aents ninki tuakaru turuskesh kakaram chichamjai iruntraru ainia au, ju nunkanam turuskesh yaja nunkanam pujasar kuitian apujainia kakaram chicham amanum.

ASÚTMIA

Kuit aintiuk awakeasar jurukmia akikmaktin.

Cuentas adulteradas

(Art. 298, Código de la Democracia).

Aents irunar anaimiakartaj tusa matsataini turuskesh iruntrar kakaram ajastasar matsatainiasha, anaikiamu ainia kuit enkemtai nekapmatairi chikichaitkui.

ASÚTMIA

Ni anaikiamuri penkesh atankimiu atatui, wari kakaram chicham umiktin tana aentsank, tuma amunam sepunmash enkeamu aminiaifi.

Imiatkinia surin ainia aú, aents ananiamunam chicham pénger nujamkachmanun turuskesh Anaimiatai Chichamnum Tujinkiar Iwiartai (CNE) ayu tichiamunam.

(Art. 303, Código de la Democracia).

Imiatkinia surin ainia aú, papnium pénger nujamtsuk aántar Anaimiatai Chichamnum Tujinkiar Iwiartai (CNE) ayu tichiamunam.

ASÚTMIA

Juka ewej nupantí kuit akikmakartatui turuskesh jimira nawe nupantí akikmakartin ainiawai, nekaska ju chicham umiktin amikcharuitkuinkia ni takatnum paant ajamurish atanramu atatui.

Nekas imiatkinia surin ainia au penker enentaimsar aents anaimiaktinia yaya

Imiatkinia surin ainia aú ma nekas pénger enentaimsar aents anaimiaktinia papirí anujratniun iya, penker enentaimias takakmainiachuitkuinkia tura ni takattri paant amajainiachkui ju takatnum.

ASÚTMIA

Chicham aarar etsermanum tuke japintratin atatui chikich uwiniam aents ananiamunam penkesh pachinkiachmin ainiawai.

VI. EEM ANUJMAMKA

Jimiara uwi ekemsantai aentsu papiri anairamu peetainiaka mash japirmaiti, juka chicham yajauch meseku etsermanum turuskesh tuniampa ju chicham itiura najanamunmania winia nuna.

Asutmiaka aintiuk uwi apujtusmaiti.

(Akánu 304, Maéntek Chicham Uminkiatin).

VII. AENTS ANAIMIATAI CHICHAMNUM TUJINKIAR IWIARTAINIUM KAKARAM CHICHAM JURAMU, AENTS ANAIYAMUNAM PAPI AJAPMANUM EKEMSACHU ASA

Anaimiatai Chichamnum Tujinkiar Iwiartai takakmainiamunam Chichak paant umiktin apujsamu, nekaska aents papi ajapachu asutmia, ya aents anaiyamunam ekemas takakmascha, ju chichaman umikchaitkuinkia Anaimiatai Chichamnum Tujinkiar Iwiartainium, tsawant menaint ekemas nankamachai iwiartatin ainiawai.

(Akánu 292, juka Chicham Uminkiatin Tujinkiar Iwiartainium

Junia jusamu:

Ekuatur Nunkanam Kakaram Chicham Umpuarma Uminkiatin.

Kakaram Chicham Anaimiatainiu Uminkiatin tura Ekuaturnum aents tuakar pujuiniamu.

Mash maéntek chicham uminkiatin.

Kakaram chichaman umiktinia Anaimiatai Chichamnum Tujinkiar Iwiartai neka emruktiniaiti.



Imiatrusar métekkarak chicham Itlurchat Iwíartal

www.tce.gob.ec

Dirección: José Manuel de Abascal N37-49 y Portete
PBX:(593) 02 381 5000
Quito-Ecuador

